

Uunga siunnersuut: Qitiusumik Suliffeqarfinnik Nalunaarsuiffimmi nalunaarsuisarneq pillugu Inatsisartut inatsisaat nr. xx, yy 2016-imeersoq

(Inuussutissarsiornermut, Suliffeqarnermut, Niuernermut, Nukissiuuteqarnermut Nunanullu Allanut Naalakkersuisoq)

Akissuteqaat

(Inuussutissarsiornermut, Suliffeqarnermut, Niuernermut, Nukissiuuteqarnermut Nunanullu Allanut Naalakkersuisoq)

Aappassaaneerinninneq

Naalakkersuisut sinnerlugit Inuussutissarsiornermut Ataatsimiititaliap sukumiisumik isumaliutissiissutaanut qutsavigaara.

Naalakkersuisut nuannaarutigivaat amerlanerussuteqartut siunnersuutip akuerineqanissaa inassuteqaatigimmassuk, ilaatigullu ataatsimiititaliap suliffeqarfiit mikinerit akunnattumillu angissusillit pillugit oqaaseqaataat Naalakkersuisut maluginiarpaat.

Ikinnerussuteqartut IA-kut siunnersuutip itigartitsisutigineqarnissaa inassutigaat Danmarkip EU-mi inuussutissarsiornikkut malittarisassat annertunerpaamik malimmagit, taamaattumik Kalaallit Nunaat namminerisaminik Kalaallit Nunaannut naleqqussakkamik nalunaarsuiffimmik peqartariaqaraluartoq.

IA-p ataatsimiititaliami ilaasortaasa ikinnerussuteqarlutik oqaaseqaataannut oqaatigineqarpoq uani nalunaarsuinissamut tunngasuinnaat pineqarmata, taakkulu Kalaallit Nunaata nammineerluni malittarisassiuussinnaavai.

GER-imik nutarterineq nalunaarsuineri eqaannerusumik periusinik pilersitsissanngilaq, A/S-it, ApS-it allallu CVR-imi nalunaarsorneqassammata, CVR normulernagit, taamaattumik pitsanngorsaait tassunga atasut iluaqutigisinnaanagit.

Sukumiisumik suliffeqarfinnik nalunaarsuiffimmik pisariaqartitsineq aammalu GER-imi nalunaarsuiffik nutaanngilisimanera pissutigalugu, taamatullu CVR-imi nalunaarsuiffimmik, ilisimaneqartumik atorsinnaasumik akikinnerpaajusumillu taamatut aaqqiissuteqarnissamut taassuminnga atuilersinnaalernermut periarfissaqalerneq orniginarnerpaajuvoq. Kalaallit Nunaat suli tamakkiisumik suliffeqarfinnik nalunaarsuinissamut pisinnaatitaaffeqarpoq.

Taamaalillutik Naalakkersuisut siunnersuut Inatsisartunut suliassanngortippaat,
siunnersuutillu akuerineqarnissaa inassuteqaatigalugu.